

ԱՆԻՆ ԵՎ ԵՐՎԱՆԴՈՒՆԻՆԵՐԸ

Երվանդ արքան՝ Հայաստանի նախկին սատրապ Օրոնտեսը, մ.թ.ա. 331թ. Գավգամելայի ճակատամարտից հետո վերականգնելով Հայաստանի անկախությունը, իրագործել էր նաև երկրի պաշտպանության ամրապնդմանն ուղղված շինարարական աշխատանքներ: Դրանք ծավալվել են նաև Անիում: Անիի հնությունների վերաբերյալ արտահայտված մտքերից բերենք Հ.Մանանդյանի հետևյալ տողերում ամփոփվածը. «Մեր նոր եզրակացությունները, Երվանդաշատի, Երվանդակերտի, Արմավիրի և Գառնիի հուշարձանների մասին կարող են նոր լույս սփռել նաև Անիի Կամսարականյան կոչվող պարսպի հնագույն որմածքի վրա: Այս վերջինը ևս, ինչպես և Արմավիրի վերոհիշյալ պարիսպներն ու աշտարակը, վերաբերում է, ըստ երևույթին, հայկական ճարտարապետության Երվանդյան ժամանակաշրջանին, այսինքն՝ 3-րդ դարի կամ 2-րդ դարի սկզբներին մեր թվականությունից առաջ»:¹ Բնորոշ է այն հանգամանքը, որ Անիում Կամսարականների ամրոցի պարսպի մեջ կան «ծիծեռնակապուշ» կապերով քարերի երկրորդ օգտագործման դեպքեր:² Սա մեզ հուշում է, որ երկրորդ օգտագործումը եղել է Անի ամրոցի՝ Արտաշեսի (ապագա Արտաշես 1-ին, մ.թ.ա. 189-160թթ.) գործի կողմից ավերվելուց հետո: Այս դեպքում զուգահեռ կարելի անցկացնել նրա և Արմավիրի տաճարի ավերման միջև: Ըստ Ժ.Խաչատրյանի, Արմավիրում որոշ «ծիծեռնակապուշ» կապերով քարերի կրկնակի օգտագործման փաստը, (դրանց երկու երեսին արված փորվածքների չափերը և խորությունները տարբեր են) վկայում է, որ «հեղինիստական տաճարի շենքը (մ.թ.ա. 3-րդ դ.) գուցե Երվանդի և Արտաշեսի կռիվների ժամանակ վնասվել է կամ քանդվել է և վերականգնվել է մ.թ.ա. 2-րդ դ., նույն տեխնիկայով»:³

Ասվածները հիմք են տալիս եզրակացնելու, որ Երվանդը նորանկախ թագավորության մայրաքաղաք Արմավիրի հետ միասին, միևնույն ժամանակ կառուցապատել է Անին, ընդ որում ելնելով ոչ միայն պաշտպանական նկատառումներից: Անին ոչ միայն հենակետ կարող էր ծառայել հյուսիսից ներխուժող բաբրաքս ցեղերի դեմ, այլև կարող էր դառնալ ամառանոցային թագավորանիստ, որովհետև, ի տարբերություն շոգ Արարատյան դաշտում գտնվող և ջրի պակաս ունեցող Արմավիրի,⁴ Անին գտնվում էր զով Եփրատի՝ ջրառատ Ախուրյան գետի ափին: Բայց միայն դրանցով չի կարելի բացատրել Անիի նկատմամբ Երվանդ թագավորի ցուցաբերած հոգատարությունը: Անին Մայր դիցուհու պաշտամունքի նշանավոր կենտրոն էր, իսկ Երվանդունի արքայատոհմի նախնիները սերված էին համարվում Մայր դիցուհու երկվորյակ որդիներից: Խոր նախնադարում ձևավորված և Երվանդունիների անկումից հետո որոշակի աղճատման ենթարկված համապատասխան առասպելը առկա է Մովսես Խորենացու «Հայոց պատմության» մեջ: Երվանդ Վերջին թագավորի առթիվ մեր պատմահայրը գրում է. «Եւ ունին զորոյց յաղագս նորա այսպէս: Կին ոմն յագգէ Արշակունեաց, անձամբ հարստի և խոշորագեղ, վարար, զոր ոչ ոք դիմագրաւեաց առնուլ կնութեան, ծնանի երկուս մանուկս յանկարգ խառնակութենէ, որպէս Պասիփայէ զՍինոտովրոս:

¹ Մանանդյան Հ., Գառնիի հուարեն արժանագրությունը և Գառնիի հեթանոսական տաճարի կառուցման ժամանակը, Եր., 1946, էջ 33:

² Խաչատրյան Ժ., Մեմուսնուալ կառույցի մնացորդներ և ուշագրավ ծեսով թաղում Արտաշատից, ՊԲՀ, 2005, թիվ 2, էջ 229:

³ Նույն տեղում, էջ 228:

⁴ Մովսիսի Խորենացու պատմութիւն Հայոց, Եր., 1981, գիրք Բ, գլուխ 10:

Եւ ի զարգանալ մանկանցն՝ կոչեն անուանս Երուանդ եւ Երուագ⁵։ «Մասնա ծոեր» դյուցազնավեպի երկվորյակների մոր (Ծովինար) մամն, Երվանդի և Երվագի մայրը ևս Մայր դիցուհու կերպարի մի տարբերակն է՝ պահած անգամ մախնադարից եկող և իրեն բնորոշ այնպիսի գծեր, ինչպիսիք են «անձամբ հարստի»-ն, «խոշորագեղ»-ը և «վարար»-ը։

Անի քաղաքի Մայր դիցուհու պաշտամունքի հետ ունեցած երբեմնի սերտ կապի վերաբերյալ ակնառու փաստեր կան։ Վարդան Բարձրաբերդցին գրում է. «զքաղաքն Անի, որ կոչի խնամք»⁶, իսկ միջնադարյան «Բառզիրք հայոց»-ում կարդում ենք. «Անհացեալ-խնամեալ, կամ խնայեալ»⁷։ *Խնամ(ք)* բառի բացատրություններից են. «հոգաբարձություն, մախնահայեաց հոգողություն, պահպանություն, հովանատրություն, դարման, գութ, սեր»⁸, «հոգատարություն, հոգացողություն, ջանադրություն»⁹, «ուշադրություն, հոգատարություն, հարկավոր օգնության մատակարարում, միջոցներ, որոնք ձեռք են առնվում հիվանդին օգնելու՝ բժշկելու համար»¹⁰ և այլն։ Ինչպես տեսնում ենք, *Անի*-ի բացատրությունն հանդիսացող *խնամք* բառի քերական բոլոր իմաստներն էլ այս կամ այն չափով վերաբերում են Մայր դիցուհուն՝ հեթանոսական Անահիտին։ Անկասկած, Մայր դիցուհու պաշտամունքի հնագույն օջախներից մեկը լինելու պատճառով է, որ Անի բնակավայրը կրել է այդ անունը։ Մեծավաստակ հայագետ ԴԱլիշանը *Անի*-ն համարում է Անահիտ դիցուհուն տրված անվանումներից մեկը¹¹։ Սրա հետ միասին, երբ ի նկատի ենք առնում, որ Դարբանդի գավառի համանուն սրբավայրն ուներ իր անվան *Հանի* տարբերակը¹² և, որ հայերեն մի շարք բառեր ունեն իրենց մախնաձայն *հ*-ով և առանց դրա տարբերակները, ապա, ամենայն իրավամբ, մեր *Անի*-ները կարող ենք համարել հայերեն *հան/հանի* «տատ, մեծ մայր» բառի տարբերակը։ Դրանք սերում են հ.՝-ն. մախնալեզվի **an-/*Han-* «տատ, հոր մայրը» արմատից։ Հմմտ. խեթ. *hantaz* «տատ» (որից կրկնաբանությամբ *Hantahantaz* դիցուհու անունը), երգ. *ana* և մյուս լեզուների համապատասխան բառերը¹³։

Անահիտ դիցուհու հասարակական գործառնություններից էր տնտեսական գործունեության հովանավորումը։ Հիշենք դեռևս հեթանոս Տրդատ 3-րդի հրովարտակը, որտեղ մա երկրին և ժողովրդին մաղթում էր «շինություն դիցն օգնականութեամբ, լիութիւն պարարտութեան յարոյն Արամազդայ, խնամակալութիւն յԱնահիտ տիկնոջէ, եւ քաջութիւն հասցէ ձեզ ի քաջէն Վահագնէ»¹⁴։ Ազաթանգեղոսի երկում Անահիտ դիցուհին որակվում է հետևյալ կերպ. «Բարեշար ամենայն մարդկան բնութեան», «փառք ազգիս մերոյ եւ *կեցուցիչ*», «մեծն Անահիտ, որով *կեայ եւ զկենդանութիւն կրէ* երկիրս Հայոց»¹⁵։ Ըստ այսմ, Մայր դիցուհին էր հանդես գալիս հայ հին հասարակության բարիքների արտադրողի դասի (ներառում էր հողագործներին, անասնապահներին, ավելի ուշ նաև արհեստավորներին և առևտրականներին) հովանավոր աստվածությունների

⁵ *Խորենացի, Բ, լէ*։

⁶ Մեծին Վարդանայ Բարձրաբերդցոյ Պատմութիւն տիեզերական, Մ7, 1960, էջ 117-118։

⁷ Բառզիրք հայոց, Զմեական բնագիրը, առաջաբանը և ծանոթագրությունները Հ. Ամալյանի, Եր., 1975, էջ 21։

⁸ Նոր Բառզիրք հայկազեան լեզուի, հ. 1, Եր., 1979, էջ 949։

⁹ Անադյան Հ., Հայերեն արմատական բառարան, հ. 2, Եր., 1973, էջ 378։

¹⁰ Մալխասյանց Ստ., Հայերեն բացատրական բառարան, հ. 2, Եր., 1944, էջ 272։

¹¹ Ալիշան Դ., Հին հուստոք կամ հեթանոսական կրօնք հայոց, Վնենտիկ, 1895, էջ 47։

¹² *Խորենացի, Բ, խը, Գ, խն*։

¹³ Անադյան Հ., նշվ. աշխ., էջ 33։ Т.Гамкрелидзе, В.Иванов, Индоевропейский язык и индоевропейцы, т. 2, Тбилиси, 1984, стр. 766.

¹⁴ Ազաթանգեղայ Պատմութիւն Հայոց, Եր., 1983, ԺԲ, 127։

¹⁵ Նույն տեղում, Ե, 53, Ե, 59։

դերում:¹⁶ Այս առթիվ ուշագրավ է, որ Մայր դիցուհու պաշտամունքի վայրերն համարված քարանձավները Անիում գործածվել են մասնաշրջանային միջնաբերդային և արտադրական բազմաօգտակար գործունեության վայրեր:¹⁷ Խոսքը մասնավորապես Անիի արվարձան Իգաձորի մասին է: Լեռն նկատել է տալիս, որ տեղի այրերից «շատերը խանութներ էին: Այժմ էլ, մի հայացքով կարելի է ճանաչել այդ խանութները, մրանք փորված են մոխրագույն կակուղ ժայռերի մեջ, ունեն դարակներ ապրանքների համար... Այս ձորը, իհարկե, միակ շուկան չէր: Այնտեղ, քաղաքի մեջ էլ կար շուկա: Բայց այնտեղ չկար, չէր կարող լինել այնպիսի լայնարձակ ազատություն: Գուցե ավելի գյուղական էր Իգաձորի շուկան: Բայց այստեղ էլ, անշուշտ, խոնավում էին ամեն կողմից եկած վաճառողներ և գնողներ: Այստեղ միայն շրջակա գյուղացիները չէին պարպում իրենց սայլերը, կանգնեցնում իրանց հոտերը»¹⁸: Ուշադրության է արժանի այն հանգամանքը ևս, որ Անին մայրաքաղաք դարձրած Բագրատունի թագավորները, սովորաբար, թե՛ զինվորական գործի փայլուն ներկայացուցիչներ էին, թե՛ մեծ տնտեսավարներ: Երկրորդ դեպքում, ըստ երևույթի, գործ ունենք տեղական հին ավանդույթի շարունակական պահպանման հետ: Այսպես, Մմբատ 2-րդ թագավորը «հացի և գինու շատ պաշարներ ուներ... մեծագործ, գոռոզ թագավորը Անիում խոտի մեծ ամբարանաց ուներ, որ հավաքված էր տարիներով: Հողի մարդ էին ամենքը»¹⁹:

Հայտնի է, որ հեթանոս հայերի Ամահիտ դիցուհու պաշտամունքային վայրերը, վերածվելով քրիստոնեական սրբավայրերի, ձևավորվել են Սուրբ Աստվածածնին: Անիում մրա պաշտամունքի հնության մասին է խոսում մասնաշրջանային պարիսպներից ներս գտնվող այն եկեղեցի-մատուռը, որը կրում էր մրա անունը և հայտնաբերվել էր Ն.Մառի արշավախմբի պեղումների միջոցով²⁰: Մայր Աստվածածնի պաշտամունքը տարածված է եղել ոչ միայն Անիի հին քաղաքում, այլև մոր քաղաքում և քաղաքի արվարձաններում: Աշոտաշեն պարսպից դեպի հյուսիս, մոր քաղաքում էր գտնվում 1893թ. պեղված Աստվածամոր եկեղեցին (կոչված մասնա «Հոռոմ տիրուհու եկեղեցի») ²¹: Բագմայրի՝ Անիի արևմտյան արվարձանի, վանական համալիրը քաղկացած էր չորս եկեղեցիներից, որոնցից գլխավորը Սուրբ Աստվածածինն էր՝ կառուցված Մմբատ Պառավարի կողմից 1012թ.²²: Բագրատունի թագավորների օրոք և հետագայում այս եկեղեցին մեծ հռչակ էր վայելում: Դրա մասին են խոսում Անիի շրջակայքում գտնվող այն անշարժ կավածքները, որոնք նվիրված էին Բագմայրի Ս. Աստվածածին եկեղեցուն²³: Ամենայն հավանականությամբ, այստեղ ևս Մայր Աստվածածնի պաշտամունքին մատուցվել է հեթանոս հայերի Ամահիտ դիցուհու պաշտամունքը, որովհետև, ինչպես Թ.Թորամանյանն է գրում, «այս տեղի հին անունն է Բագմայր, ուր եղել են բազիլիկներ՝ մասնավորապես այժմ գոյություն ունեցող քարայրերի մոտ»²⁴ և «քրիստոնեության մուտքը բոլորովին չէ ոչնչացրել տեղի կրոնական նշանակությունը, այլ, ինչպես և ուրիշ տեղերում, ծառայեցրել է մրան իր նպատակներին»²⁵:

¹⁶ Պետրոսյան Ս., Դասերը և եռադասության դրսևորումները հին Հայաստանում, Եր., 2006, էջ 150-153, 166:

¹⁷ Լեռ, Անի, Տպավորություններ, հիշատակներ, անցածն ու մնացածը, Եր., 1963, էջ 201, 218, 273:

¹⁸ Նույն տեղում, էջ 202:

¹⁹ Նույն տեղում, էջ 273:

²⁰ Նույն տեղում, էջ 252:

²¹ Հարությունյան Վ., Անի քաղաքը. Միջնադարյան Հայաստանի քաղաքաշինության պատմությունից, Եր., 1964, էջ 66:

²² Հարությունյան Մ., Բագմայր, Հայկական սովետական հանրագիտարան, հ.2, Եր., 1976, էջ 198-199:

²³ Լեռ, նշվ. աշխ., էջ 272:

²⁴ Թորամանյան Թ., Նյութեր հայկական ճարտարապետության, Եր., 1942, էջ 310:

²⁵ Լեռ, նշվ. աշխ., էջ 272:

Աճիւն Սուրբ Աստվածածնի պաշտամունքի մասին է խոսում այն փաստը, որ քաղաքի ամենաբարձր շինությունը՝ Մայր տաճարը (Կաթողիկէ եկեղեցին), ձոնված էր նրան²⁶։ Տաճարի կառուցումն սկսվել էր դեռևս Սմբատ 2-րդ թագավորի (977-990 թթ.) օրոք, բայց նրա կառուցումը շարունակելու և ավարտելու գործը Տրդատ ճարտարապետն իրականացրել էր Գագիկ 1-ին թագավորի (990-1020 թթ.) կնոջ՝ Կատրանիդե թագուհու հովանավորությամբ։ Լեռն, նկարագրելով ամմատչելի այն ժայռաբլուրը, որտեղ գտնվել է հին Աճի բերդը, ենթադրում է, որ Ամահիտ դիցուհու տաճարը գտնվել է այնտեղ, որտեղ հետագայում կառուցվել է «կարմիր քարերից շինված մի գեղեցիկ եկեղեցի, շրջապատված փոքրիկ մատուռներով»²⁷։ Ավելի հստակ է արտահայտվում ամվանի ճարտարապետ Վ. Հարությունյանը։ Նա գրում է, որ այսպես կոչված «Աղջկա բերդի» եկեղեցու «տեղում գտնված շինարարական մի արձանագրությունից իմանում ենք, որ այս ավանդապաշտական տեղում դեռ հայերի հեթանոսական ժամանակներից կանգնած է եղել Ամահիտ աստվածուհու տաճարը։ Գրիգոր Լուսավորչիչը, քանդելով այն, տեղում կառուցել է եկեղեցի։ Ավելի ուշ՝ Իվանն և Զաքարե Զաքարյան եղբայրների օրոք (12-13-րդ դդ.), վերջինի տեղում կառուցվել է նոր եկեղեցի...»²⁸։

Մովսես Խորենացին Երվանդավանի անվանակոչությունը քացատրում է Արտաշեսի գործի կողմից Երվանդին այդ վայրից *վանելու* հանգամանքով²⁹։ Բայց, ինչպես Գ.Սարգսյանն է ցույց տվել, բնակավայրը *Երուանդաւան* կոչվել է ավելի վաղ և կազմված է *Երուանդ* անվանը *աւան* բառի հավելումով. հմմտ. *Տիգրանաւան*, *Վարդգեսաւան*, *Արշակաւան*։³⁰ Ճիշտ է, բնակավայրն հետագայում *Երուանդաւան* անվամբ չի հիշատակվում, բայց Երվանդաշատ մայրաքաղաքից 300 ասպարեզ հյուսիս, Ախուրյանի ափին գտնված Երվանդ արքայի բանակատեղին լինելու էր Աճի ամրոցը։ Ստ.Մալխասյանցի աշխարհաբար թարգմանության տպագիր տեքստում Երվանդաշատի և Երվանդի բանակատեղիի միջև եղած հեռավորությունը ցույց է տրված «ավելի քան *հարյուր* ասպարեզ»,³¹ երբ գրաբար տեքստում «ավելի քան *երեք հարիւր* ասպարիսաւ» է։³² Գ.Սարգսյանը ճշտում է բանակատեղիի հեռավորությունը. «Երվանդաշատից մոտ 300 ասպարեզ (=շուրջ 50կմ) դեպի հյուսիս, Ախուրյան գետի ափին»։³³

Երվանդավանի մոտ տեղի է ունեցել մ.թ.ա. 201թ. ճակատամարտը Հայոց թագավոր Երվանդ Վերջինի և գահի հավակնորդ Արտաշեսի բանակների միջև։ Ճակատամարտն ավարտվել էր Երվանդի պարտությամբ և փախուստով։ Երվանդավանի ռազմավարական կարևորության մասին են խոսում ինչպես նրա ամրոց-բանակատեղի լինելու, այնպես էլ նրա և Երվանդաշատի միջև մի շարք ճանապարհային կայաններով՝ իջևաններով, օժտված բանուկ ճանապարհի գոյության փաստերը։ Այդ ճանապարհով էլ «Երուանդ ձիովն իւրով քովանդակ ասպարեզս անցեալ՝ ելանէ ի խանս կարգեալս ի բանակէ իւրմէ ի քաղաքս իւր, հեծեալ ի նոր ձիս հանգոյց ի հանգոցէ փախչել»։³⁴ Իջևանների սպասարկման մեջ մտել է նաև սուրհանդակների, իսկ այս դեպքում՝ թագավորի, հոգնած ձիերը առույգ ձիերով փոխարինելու գործը։ Ճանապարհն, ըստ երևութիւն, կառուցված է եղել Ախուրյանի աջափնյակում և մախատիսյան է

²⁶ Լեռ, նշվ. աշխ., էջ 153:

²⁷ Նույն տեղում, էջ 267:

²⁸ Հարությունյան Վ., նշվ. աշխ., էջ 58:

²⁹ Խորենացի, Բ, խգ:

³⁰ Մարգարյան Գ., Հելլենիստական դարաշրջանի Հայաստանը և Մովսես Խորենացին, Եր., 1966, էջ 217:

³¹ Նույն տեղում, էջ 203:

³² Նույն տեղում, էջ 202:

³³ Նույն տեղում, էջ 219:

³⁴ Խորենացի, Բ, խգ:

ներկայացրել հետագայում Տիգրան 2-րդի (մ.թ.ա. 95-55թթ.) կառուցած արքունի պողոտայի՝ Արտաշատի և Տիգրանակերտի միջև։ Երվանդավան-Երվանդաշատ ճանապարհը իր իջևան-կայաններով հիշեցնում է մահ Դարեհ 1-ինի (մ.թ.ա. 522-486թթ.) կառուցած արքայական ճանապարհը **Շոշի** (Մուգա) և Մարդեսի միջև։

Աճի/Երվանդավանը Երվանդ Վերջինին առնչվում է մահ Բագրատունի-Երվանդունի առճակատման դավազներից մեկում։ Բագրատունի տոհմի հակաերվանդյան դիրքորոշումը ակնհայտ էր արդեն նրանով, որ լինելով Հայոց թագադիրներ, Բագրատունիները չեն թագադրել Երվանդ Վերջինին,³⁵ դրանով իսկ կասկածի տակ առնելով նրա թագավորության օրինականությունը։ Դրա հաջորդ քայլը եղել է գահի հավակնորդ Արտաշեսի կողմն անցնելը։ Ըստ Մովսես Խորենացու, «Արդ՝ իբրեւ լսէ Սմբատ որդի Բիւրատայ գրօթն Սամատրկոյ եւ զգոյժ կոտորման որդւոց նորա՝ առեալ զերկուս դստերս իւր, զՍմբատանոյշ եւ զՍմբատուհի՝ նստուցանէ ի Բայերդի, արս քաջս թողով ի վերայ ամրոցին. եւ ինքն հանդերձ միով կնաւ իւրով եւ սակաւ արամբք զայ անցանէ ի խնդիր մանկանն Արտաշիսի»։³⁶ Այդ մասին հայտնի է դառնում Երվանդ արքային։ Պատմահայրը ցույց է տալիս, թե ինչպես Երվանդ-Բագրատունիներ հակասությունը հետզհետե վերածվում է քացահայտ առճակատման։ Նա գրում է. «Յայնժամ առաքէ Երուանդ եւ սատակէ զքաջսն ի Բայերդի. զերեալ զդստերս Սմբատայ՝ պահէ յամրոցին յԱճի ոչ վատթարապէս»։³⁷ Հիշյալ Աճի ամրոցը Դարանաղի գավառի Աճի/Հանին լինել չէր կարող, որովհետև նախ՝ վերջինս գտնվում էր ոչ թե Մեծ Հայքի՝ Երվանդ Վերջինի թագավորության, այլ Փոքր Հայքի կազմում, ապա՝ եթե ընդունենք, անգամ, որ Աճի/Հանին Երվանդ Վերջինի օրոք գտնվել էր Մեծ Հայքի կազմում (անհավանական մի ենթադրություն), ապա միևնույնն է. Երվանդ Վերջինը իր բարձրաստիճան գերտեղիներին կպահեր ոչ թե իր թագավորության հետավոր ծայրամասում՝ Դարանաղիում, որն այնքան էլ հեռու չէր Բագրատունիների տիրույթ Սպերից, այլ իր մայրաքաղաքից ոչ հեռու գտնվող Շիրակի Աճի ամրոցում։

Թագավորական նստավայրին, լինել այն ամառանոցային թե՛ ձմեռանոցային, կից հանգստյան ընդարձակ գոտու ստեղծումը եղել է Երվանդունի թագավորների հոգսերից մեկը։ Ընդ որում, դրանք մահ շրջակայքի կլիմայի առողջացման և պաշտամունքային կարիքների բավարարման նպատակներ էին հետապնդում։ Վերջին դեպքում, դրանց ստեղծումը ուղղակի առնչության մեջ էր դրվում բուսական և կենդանական աշխարհի հովանավոր Մայր դիցուհու պաշտամունքի հետ։ Դրանք փաստորեն վերածվում էին արքունի արգելամոց-սրբավայրերի։ Այդպիսի մի արգելամոց-սրբավայր ստեղծել էր Երվանդ Վերջինը Երվանդակերտի և Աճի-Երվանդավանի միջև՝ Ախուրյանի արևմտյան ափին։ Ըստ Մովսես Խորենացու, Երվանդը «Տնկէ եւ մայրի մեծ ի հիւսիսոյ կողմանէ զետոյն (Արաքսի – Ս.Պ և Լ.Պ.), եւ որմովք ամրացուցանէ, արգելելով ի ներքս այծեմունս երագունս, եւ զեղանց եւ զեղջերուաց ազգ, եւ ցիռս եւ վարազս. որք ի բազմութիւն աճեցեալ լցին զանտառն, որով ուրախանայր թագաւորն յաւուրս որսոց։ Եւ անուանէ զանտառն՝ Ծննդոց»։³⁸ Արագավազ ցիռերի առկայությունն արդեն վկայում է անտառին կից արձակ, խոտավետ տարածության գոյության օգուտին։ Իսկ դա կարող էր լինել նրան հյուսիսից հարող տարածքը՝ Աճիի շրջակայքը։ Արգելամոց-սրբավայրի անտառի *Ծննդոց* անունը վկայում է, որ պաշտամունքային տեսանկյունից գործ ունենք Մայր դիցուհուն ձուլված սրբավայրի հետ։ Հայտնի է, որ Մայր

³⁵ Խորենացի, Բ, լէ։

³⁶ Նույնը։

³⁷ Նույն տեղում, Բ, ԼԸ։

³⁸ Նույն տեղում, Բ, խա։

դիցուհի Անահիտը հովանավորն էր ինչպես բուսական և կենդանական աշխարհի, այնպես էլ մայրության, մանկածնության և, ամենասարակ, բոլոր ծնունդների:³⁹

Մայրության հովանավոր դիցուհուն այս արգելանոց-սրբավայրի ձևված լինելու իրողության արտացոլումն է ոչ միայն նրա անտառի *Մենդոց* անունը, այլև վերջինիս կից արձակ տարածքի *Մարաց մարգ* անունը: Ըստ Մովսես Խորենացու, «ի վերայ գետոյն Ախուրեան» գտնված Երվանդի բանակատեղին՝ Երվանդավանը, գրաված Արտաշեսն ինքն է ճակատամարտի վայրն անվանել *Երվանդավան*, իսկ շրջակա հովիտը՝ *Մարաց մարգ*, իբրև թե «մարերի մարգ»:⁴⁰ Այսուհանդերձ, հետագա արձանագրություններում հովիտը կոչված է թե՛ *Մարաց մարգ*, թե՛ *Մարանց մարգ*, որոնց համաձայն, տեղանունը կարելի է ստուգաբանել որպես «մարերի մարգ»:⁴¹ Ըստ երևույթին, Աճիի մերձակայքում գտնված Մարա(ն)ց մարգը իր կարգավիճակով մման է եղել Երզնկայի դաշտի Անահիտ դիցուհու արգելանոց-սրբավայրին: Պլուտարքոսի վկայությամբ, այնտեղ ազատության մեջ շրջել են Արտեմիս/Անահիտին ձևված սրբազան կովերը (երինջները):⁴² *Մարանց մարգ* անվանը իմաստով մոտ է Խոսրով Կոտակ թագավորի ստեղծածն համարվող *Տաճար մայրի* կոչված արգելանոց-սրբավայրի և Խոսրովակերտ անտառի միջև գտնված ապարանքի *Տիկնունի* անունը:⁴³ Նոր հայկազյան բառարանի հեղինակները *տիկնունի* բառը բացատրում են հետևյալ կերպ. «Ուր ից է տիկին, կամ տիկնայք, որպես բնակարան թագուհու»:⁴⁴ Բայց *տիկին* նախապես կոչվում էր Մայր դիցուհին, որովհետև նախ՝ բառն է դա ցույց տալիս (*տիկին*)/«մեծ կին», ինչպես՝ *տի-այր* > *տէր* «մեծ այր», *տի-եզերք* / «մեծ եզերք»),⁴⁵ ապա՝ մինչքրիստոնեական Հայաստանում *տիկին*-ը մակդիրն էր մայր դիցուհի Անահիտի:⁴⁶ *Մարա(ն)ց մարգ* տեղանվան մման «մայրական» իմաստ ունի նաև Երվանդակերտի երկրորդ անունը՝ *Մարմէտ*-ը: Անանիա Շիրակացին Մարմետը կոչում է «տստան Կամսարականաց» և տեղադրում «յեզր գետոյն, որու Ախուրեանն կոչեն»:⁴⁷ Ըստ Մովսես Խորենացու, Երվանդ արքայի դաստակերտի *Երուանդակերտ* անունը փոխվել է Արտաշեսի կողմից. «անունեցաւ դաստակերտն *Մարմէտ*, իբր ի կամաց Արտաշիսի՝ բառնալ զանուն Երուանդայ ի տեղուցէն»:⁴⁸

Մար-մէտ բաղադրիչներից բաղկացած տեղանվան առաջին բաղադրիչը *մայր* բառն է (հմտ. եզ. ուղղ. *մայր*, հոգն. ուղղ. *մարք*), իսկ երկրորդը, ըստ երևույթին, նշանակում է «շեն, բնակատեղի»: Տեղանվան -*մէտ* բաղադրիչի հիմքում մենք տեսնում ենք հ.-հ. **mei-d(h)-* «ամրացնել» նախածնը: Վերջինիս **mei-t(h)-* տարբերակից է ծագում հայերեն *մոյթ* «մույթ» բառը, որը արմատակիցն է համարվում քրակերեն *moitne* «զյուղ, շեն» (<հ.-հ. **mei-d(h)-*) բառի:⁴⁹ Ամենայն հավանականությամբ, նույնպիսի ծագում ունեն նաև հայկական *Արտամետ* < *Արտամէտ* և *Արտիմէտ* տեղանունների նույնիմաստ -

³⁹ Հայ ժողովրդի պատմություն, ՀՍՍՀ ԳԱ հրատ., հ. 1, Եր., 1971, էջ 903, Г. Вардумян, Дохристианские культы армян. «Հայ ազգագրություն և բանահյուսություն. նյութեր և ուսումնասիրություններ», 18, Եր., 1991, էջ 107:

⁴⁰ Խորենացի, Բ, խզ:

⁴¹ Սարգսյան Գ., նշվ. աշխ., էջ 226:

⁴² Plut. Lucull., XXIV (Плутарх, Избранные жизнеописания, т. II, М., 1987, стр. 134.

⁴³ Փաւստոսի Բիզանդացու պատմութիւն Հայոց, Եր., 1987, գիրք Գ, գլ. ք:

⁴⁴ Նոր բառգիրք հայկազգեան լեզուի, հ. 2, Եր., 1981, էջ 875:

⁴⁵ Աճառյան Հ., նշվ. աշխ., հ. 4, էջ 401-406:

⁴⁶ Ազաթանգեղոս, Ե, 53, Ե, 59, ԺԲ, 127:

⁴⁷ Արրաւեամյան Ա., Անանիա Շիրակացու մատենագրությունը. ուսումնասիրություն, Եր., 1944, էջ 228:

⁴⁸ Խորենացի, Բ, խզ:

⁴⁹ Ջառուկյան Գ., Հայերենը և հնդեվրոպական հին լեզուները, Եր., 1970, էջ 61: Թրակերեն բառը կարող էր իր հիմքում ունենալ հ.-հ. **meit(h)-* «բնակատեղի» նախածնը (նույն տեղում, էջ 61, ծան. 45):

մեւ/-մէջ բաղադրիչները: Սրանցից առաջինը կրած բնակավայրը գտնվում էր Վանա լճի հարավ-արևելյան ափին, իսկ երկրորդը Վաղարշապատ քաղաքի ամենահին անունն է՝ նախորդած նրա Ման Վարդգեսի/Վարդգեստան անվանը:⁵⁰

Երվանդակներու/Մարմնտի առթիվ հիշարժան է նրա խորենացիական նկարագրությունը, որին անդրադառնալուց առաջ հիշենք Մ.Աբեղյանի հետևյալ խոսքերը. «Անահիտ և Աստղիկ սկզբնապես եղել են միևնույն դիցուհու տարբեր կոչումները... Բայց կրոնի զարգացման ընթացքում այդ անուններով պաշտամունքը երկճեղիվել է, և Անահիտ ու Աստղիկ դարձել են տարբեր դիցուհիներ: Մինչ Անահիտը դառնում է զգաստ դիցուհի, Աստղիկը մնում է իբրև սիրո և հեշտության աստվածուհի»:⁵¹ Իսկ ահա թե ինչ է գրում պատմահայրը Երվանդակներուի մասին. «Բաղդը է ինձ ասել եւ յաղագս գեղեցիկ դաստակերտին Երուանդակներուի, զոր յօրինեաց նոյն ինքն Երուանդ գեղեցիկ եւ չքնաղ յօրինաւծովք: Քանզի զմիջոց հովտին մեծի լնու մարդկութեամբ և պայծառ շինուածովք, լուսաւոր որպէս ական բիր: Իսկ շուրջ զմարդկութեամբն՝ ծաղկոցաց ու հոտարանաց կազմութիւն, որպէս շուրջ բրովն զայլ բոլորակութիւն ական: Իսկ զբազմութիւն ալեխտանոյ՝ իբր զարտեաւանանց խիտ եւ գեղեցիկ ծիր. որոյ հիւսիսային կողմանն դիր կարակնածեւ՝ արդարեւ գեղատը կուսից յօնից դարաւանդաց համեմատ: Իսկ ի հարաւոյ հարթութիւն դաշտաց՝ ծնօտից պարզութեան գեղեցկութիւն: Իսկ գետն բերանացեալ դարաւանդօք ափանցն՝ զերկրբերքիւն նշանակէ շրթունս... Արդարեւ բերքի եւ թագաւորական դաստակերտ»:⁵² Մ.Աբեղյանի վերաբերյալ դիտողության ուղղորդմամբ ուշադրություն դարձնենք մեջբերման ընդգծված բառերին: Կարծում ենք, որ այդպիսին է ընկալվել ոչ միայն Մարմնտ/Երվանդակներու, այլ նաև հին Անի՝ իր շրջապատը կազմող Մարանց մարզ/«մայրերի մարզ»-ով, մանավանդ որ, մարզը նախ և առաջ «դաշտ խտաւետ, ծաղկաւետ» է նշանակում:⁵³

Հասարակության երեք իրավահավասար դասերից բաղկացած լինելու հնդեվրոպական ավանդույթը այնքան խոր արմատներ էր նետել հայ իրականության մեջ, որ պայմանավորել էր անգամ հայկական բնակավայրերի հասարակական կառույցի եռակենտրոն համակարգը: Ըստ տեղերում այն իր ուրվագիծը պահպանել էր մինչև 20-րդ դարի սկիզբը: Հայկական շատ գյուղերի ավանդական կենտրոնում՝ գյուղամիջին, որպես կանոն, գտնվում էր աղբյուրը կամ ամենահարգի ծառը (հաճախ երկուսը միասին): Ինչպես աղբյուրը, այնպես էլ ծառը նախաքրիստոնեական դարերում համարվում էին խորհրդանշիչ-առարկայացումները Մայր դիցուհու, որը պատկերությունն ու բերքիությունն անձնավորելով՝ հանդես էր գալիս որպես բարիքներ արտադրող դասի հովանավոր աստվածություն: Ըստ այդմ, դրանց մոտ էին տեղի ունենում բնության բարիքների և արհեստագործական արտադրանքի փոխանակում-վաճառքի գործընթացները: Գյուղամիջին էին գտնվում նաև գյուղապետի մտավայրը՝ գյուղի վարչական կենտրոնը, և եկեղեցին՝ հոգևոր կենտրոնը: Մեր դյուցազնավեսյի առանձին պատմումների համաձայն՝ Ծովինարի երկվորյակ որդիները հիմնադրել էին նախ Մասուն բնակավայրը՝ բարիքներ արտադրողների կենտրոնը, ապա Մասնա բերդը՝ զինվորական դասի կենտրոնը, ի վերջո՝ եկեղեցին կամ վանքը՝ հոգևոր դասի կենտրոնը: Ըստ ամենայնի, այս դեպքում մենք գործ ունենք եռյակ բնակավայրերի (իրենց տնտեսական, հոգևոր ու ռազմական բնույթներով) համակարգի հետ: Նույնը կարելի է ասել նաև Անիի և նրա հետ եռյակ կազմած Մաղազբերդ, Երեքոյք բնակավայրերի մասին:

⁵⁰ Խորենացի, Բ, կէ:

⁵¹ Աբեղյան Մ., «Վիշապներ» կոչված կոթողներն իբրև Աստղիկ-Դերկեսո դիցուհու արձաններ, Եր., 1941, էջ 75:

⁵² Խորենացի, Բ, խբ:

⁵³ Նոր քաղաքը հայկազեան լեզուի, հ. 2, էջ 217:

Սրանցից Աճի/Երվանդավանը եղել է Մայր դիցուհու պաշտամունքի կենտրոններից մեկը, իսկ որպես այդպիսին նա համարվելու էր նաև Մայր դիցուհու հովանավորյալ բարիքներ արտադրողների դասի կենտրոնատեղի:

Բնակավայրերի Աճի-Մաղազբերդ-Երեւույք եռյակի երկրորդ անդամը Մաղազբերդն էր: Մաղազբերդի միջնադարյան ամրոցը գտնվում է Աճիի ավերակներից մոտ 5կմ հարավ, Ախուրյանի արևմտյան ափին, անդնդախոր կիրճի եզրի ժայռին, որը երեք կողմից շրջապատված է Ախուրյանի ջրերով:⁵⁴ Որ միջնադարյան այս ամրոցը ունեցել է իր մախորդը, վկայում է նրա *Մաղազբերդ* անունը: Նրա մախատիպը **Մաղխազաբերդ*, **Մաղխազբերդ* է:⁵⁵ *Մաղխազ* տերմինը հայտնի է Արշակունյաց դարաշրջանից: Բայց այս տերմինի հնության մասին է վկայում նաև այն հանգամանքը, որ նրա հիմքում ընկած բառը կամ համարվում է ասուրերենից՝ ասորեստանյան աքաղերենից, կատարված փոխառություն (<malxazu «տեր, իշխան, թագավոր»),⁵⁶ կամ ասորերեն (արամեերեն) բառաբարդ է՝ «հսկողություն ամուր, դիտող, հետևող» իմաստով:⁵⁷ Աճկախ այն բանից, թե այս երկու կարծիքներից որն է համապատասխանում իրականությանը, մի բան պարզ է, երկու դեպքում էլ *մաղխազ* («թագավորական թիկնապահ զոդի հրամանատար») տերմինը մախաարշակունյան և, հավանաբար, նաև մախահելենիստական ծագում ունի: Եթե ճիշտ են մեր արած դիտողություններն ու դատողությունները, ապա պետք է ընդունել, որ *մաղխազ* տերմինն իր հիմքում ունեցող *Մաղխազաբերդ* տեղանունը վկայությունն է այն կրած տարածքում հին բերդի, իսկ նրանում թագավորական թիկնապահ զոդի և նրա հրամանատարի առկայության: Ըստ երևույթին, թիկնապահ գումղը պաականել է այն մույն Օրոնտես// Երվանդին, որը դիադոնների պայքարի ժամանակ անվտանգության նկատառումներով տեղափոխվել էր Այրարատ, կառուցապատել էր և մայրաքաղաք դարձրել Արմավիրը՝ զուգընթացաբար կառուցապատելով որպես ամառանոց-մստավայր Աճի/Երվանդավանը և ամրացնելով թագավորական ապաստարան Մաղխազբերդը: Այս դեպքում կասկած լինել չի կարող, որ Աճի-Մաղազբերդ-Երեւույք եռյակի երկրորդ անդամը՝ Մաղազբերդը, եղել է զինվորաբայի մստավայրերից և զինվորական դասի կենտրոնատեղիներից մեկը:

Բնակավայրերի այս մույն եռյակի երրորդ անդամը լինելու էր Ախուրյանի արևելյան ափին՝ Աճիպեմզա ավանի մոտ գտնված Երեւույքը (Երեւույք, Երեւուաց գիւղ): Պետք է ենթադրել, որ IV դ. Երեւույքի տաճարի մնաց մեծ ու հռչակապ քրիստոնեական տաճար ունեցած հետագա գյուղը մախորդ դարերում ավելի մեծ բնակավայր էր լինելու և ունենալու էր համապատասխան հեթանոսական սրբավայր: Այս տեսանկյունից ուշադրություն են գրավում Գառնիի հռչակապ հեթանոսական տաճարը և գյուղի մոտակայքում գտնվող հինավուրց գյուղատեղիի *Երեւոնք* անունը:⁵⁸ Դրանք մույնպիսի փոխադարձ կապի մեջ էին լինելու միմյանց հետ, ինչպիսի կապի մեջ էին լինելու *Երեւույք* անունը և Երեւույքի քրիստոնեական տաճարի մախորդ հեթանոսական սրբավայրը: *Երեւ-ույք* և *Երեւ-ոնք* տեղանունների վերջին բաղադրիչները համարժեք են, որովհետև հոգմակի-հավաքականի իմաստ ունեն և ճշում են մարդկանց ինչ-ինչ խմբեր: Սրանց **երեւ-* հիմքը, մեր կարծիքով, բաղկացած է **երի-*արմատից և *-ար* վերջածանցից: Վերջինս առկա է հայերենի *արդար*, *կերպար*, *մշար* և այլ բառերում և հնդեվ-

⁵⁴ Հայ ժողովրդի պատմություն, հ. III, ՀՍՍՀ ԳԱ հրատ., Եր., 1976, էջ 377:

⁵⁵ Երեւմյան Ս., «Մեծ Հայքի թագավորությունը IV դարում (298-385թթ.)» քարտեզը, Երևանի համալսարանի հրատարակչություն, Եր., 1979:

⁵⁶ Agonci H., Армения в эпоху Юстиниана, Ер., 1971, стр. 400.

⁵⁷ Մեղրոյան Հ., Աղիարենի պետությունը և Հայաստանը, Եր., 1980, էջ 137:

⁵⁸ Ասլանյան Ա., Գրգեարյան Հ., Հայկական ՍՍՀ աշխարհագրական անունների համառոտ բանարան, Եր., 1981, էջ 69:

րոպական ծագումով վերջածանց է:⁵⁹ Ուրեմն, մնում է պարզել **երի-ար-ոյր* (> *երեր-ոյր* հմմտ. *հաղանկատ-ոյր*) տեղանվան առաջին բաղադրիչի ծագումն ու իմաստը:

Տեղանվան *երի-* բաղադրիչը, մեր կարծիքով, ծագում է հ.-ե. **rē-/*rei-* «գոչել, մոնչալ» արմատից, որի **rā-* տարբերակից է սերում մեր *ռոնալ* բառը. **rā-n->* հայ. **որուն, որից՝ *որունալ>*որնալ>ռոնալ*: Արմատի այլևայլ տարբերակներն են առկա ազգակից լեզուների հետևյալ բառերի հիմքում. հին. հնդկ. *rāsti, ruvati* «ռոնալ, մոնչալ, աղաղակել», հուն. *ώροισα* «ռոնալ, մոնչալ, ցավից կամ ուրախությունից աղաղակել», ռուս. *расть* «հնչել», անգլ.-սաքս. *raſian* «հնչյուն», *rēon* «աղբ», մրգ. *rienen* «տղբալ, գանգատվել», լատին. *rauis* «խառնուրդ», *rūmor* «համբավ, հռչակ»:⁶⁰ Այսիմաստ արմատի քրմերի գործունեության ոլորտին առնչվող տերմինի վերածվելու տեսանկյունից հմմտ. հնդեվրոպական միևնույն արմատներից ծագած ռուսերեն *орать* «գոռալ, բղավել, աղաղակել» և լատիներեն *orāre* «խոսել, խնդրել, աստվածներին աղոթել», կամ լատիներեն *augio* «բառաչել» և խեթերեն *augai* «աղոթել», *augayar* «աղոթք», կամ հայերեն *գոգել* «ասել»>*գոգելով* «գոչելով» և հին հնդկ. *vāghāt* «աղոթավոր, ուխտավոր, զոհարար» բառերը:⁶¹ Հայերեն *ռոնալ* բառի հնդեվրոպական ազգակիցներից են նաև հրգ. *rūnen* «կիսփսալ», գոթ. *rūna*, անգլ.-սաքս., հին իռլ. *rūn* «գաղտնիք» բառերը, որոնք տվել են քրմերի մտավոր գործունեության ոլորտին առնչվող և «ռունական նշանագրեր» նշանակող նույնահունչ տերմինը:⁶² Այսպիսով, բացառված չէ, որ **երի* <**երի-ար* տերմինով հնագույն Շիրակի բնակիչները նշել են քրմերի ինչ-որ խավի, որոնց անունով է բնակավայրը կոչվել է *երերոյր*: Սա լինելու էր Շիրակի տվյալ շրջանի քրմական դասի կենտրոնատեղին՝ եռյակ կազմելով քարիքներ արտադրողների դասի կենտրոնատեղի Անիի և զինվորական դասի կենտրոնատեղի Մաղազբերդի հետ: Ուշագրավ է այն հանգամանքը, եւ, որ եթե Անին և Մաղազբերդը գտնվում էին Ախուրյանի արևմտյան ափին, ապա Երեբունյքը գտնվում էր նրա *արևելյան* ափին՝ Անիից և Մաղազբերդից մույն հեռավորության վրա: Իսկ արևելյան ափ/արևելք/արևածագի վայր/աղոթքան:

Այսպիսով, Անին կենտրոնատեղին է եղել Մայր դիցուհու պաշտամունքի, Երեբունյքը՝ նրա արեգակնային բնույթով որդու, իսկ Մաղազբերդը՝ նրա ամպրոպային բնույթով որդու պաշտամունքների (հմմտ. Ծովհնարն իր նույնաբնույթ որդիներով): Թե այս երեք աստվածությունների պաշտամունքը և նրանց ձոնված պաշտամունքային եռակենտրոն համակարգի ստեղծումն ինչքան կարևոր է եղել երկրում դասային մերդաշնակ համակարգի պահպանման տեսանկյունից, ցույց են տալիս Երվանդ Վերջինի շինարարական ձեռնարկումները: Ըստ երևույթին, Անի-Մաղազբերդ-Երեբունյք եռակենտրոն-եռադասյա համակարգի օրինակով էր նա կառուցել Երվանդակերտ-Երվանդաշատ-Բագարան նույնաբնույթ համակարգը Արաքսի և Ախուրյանի գետախառնի շրջանում: Սրանցից Երվանդակերտը ծառայել է Մայր դիցուհու պաշտամունքի և քարիքներ արտադրողի դասի կենտրոն, Երվանդաշատը՝ ամպրոպային բնույթի աստվածության պաշտամունքի և զինվորական դասի կենտրոն, իսկ Բագարանը՝ արևային բնույթի աստվածության պաշտամունքի և քրմական դասի կենտրոն:⁶³

⁵⁹ Ջանուկյան Գ., Հայոց լեզվի պատմություն. նախագրային ժամանակաշրջան, Եր., 1987, էջ 234-235: Հայոց լեզվի պատմական քերականություն, հ. II, Եր., 1975, էջ 90:

⁶⁰ Աճառյան Հ., նշվ. աշխ., հ. 3, էջ 565:

⁶¹ Նույնը:

⁶² Гамкрелидзе Т., Иванов В., նշվ. աշխ., էջ 803: Աճառյան Հ., նշվ. աշխ., հ. I, էջ 570:

⁶³ Պետրոսյան Ս., նշվ. աշխ., էջ 214:

АНИ И ЕРВАНДИДЫ

____ Резюме ____

____ С. Петросян, Л. Петросян ____

В древнем Ани в эпоху Ервандидов (Оронтидов) широкое распространение имел культ языческой богини Анаит. Она считалась покровительницей хозяйственной деятельности и соц.сословия производителей древних армян. Ее храм в Ани, находившийся на возвышенности “Девичьей крепости” после принятия христианства был разрушен, а на его месте была построена церковь. Имя Святой Богородицы носил анийский кафедральный собор. И богиня Анаит в Ани имела свою предшественницу. В основе топонима *Ани* лежит и.-е. корень *ap-/*Nap- “бабушка” >арм. հսի, հսիհ, хетт. *ҺаппаҺаппа* (<*Һаппа-Һаппа) “имя богини” и т. пр. У древних армян Анаит также носила имя *Ани* (по Г.Алишану).

В Ервандидскую эпоху социальная структура древнеармянского общества обнаруживает тесное соотношение с социальным делением обществ их индоевропейских предков. Трехсословность последнего дала основу далеким предкам ширакских армян основать такие поселения-тронцы, какими являлись предшественники средневековых поселений Ани-Ервандаван, Ереруйк, Магазберд. Из них Ани был центром сословия производителей, Ереруйк-жрецов, а Магазберд-воинов. Исходя из этой традиции царь Ерванд Последний (222-201гг. до н.э.) в районе слияния рек Аракс и Ахурян построил три поселения: Ервандакерт (центр производителей), Багаран (центр жрецов) и Ервандашат (центр воинов).